

鈴

山

堂

集

金華集卷第十七目錄

詩

元日賜栢葉詩

紀賜十二絕

被命靈濟岳三宮廟上香夜行作

內直次韻

扈從夜歸經太液池

曉出長安見西山

西苑隔豆花

內直對雪有慶雪銀幣之賜

金  
初誕孫賀賓宴集用往歲生男韻

誕第二孫疊前韻

子昂馬圖題贈大梁李中丞

贈仇總兵鎮守甘肅

贈別張用川先生之南都

贈華學士視篆南院

贈僉憲白汝衡

少傅相公二郎僉弟進  
暮春宴城東王氏園

紀賀

奉守范君擢憲副九江

詩

侍御楊明夫歸宜春因憶郡中園廡賦贈此

侍御唐子薦謫判滄州作此慰之

贈馮侍御督學南畿

贈白因夫

贈子器之任建安舊任

贈易栗夫提學

寄陳顯仁僉憲同年

高氏義塾詩爲致政司寇南屏作

送許仲貽之南京奉常

送胡少叅之蜀

送王克齋都憲總督漕運

以下帶付東林寺僧并紀以詩予昔讀書此寺  
送憲副教君員之兵備蘇州便道省覲

送熊元直翰檢奉使還南昌

新治長安街西屋

內直守歲作

元旦紀事二首

冬夜宴別翰林邢伯羽熊元直給諫何思問  
冊使諸藩給諫何時賓則出勘宣大功次  
贈凌明府之宜春

詩餘

宮保王公浚川憶留都舊遊與采蘭花一闕見  
贈輒次韻答之

月夕期浚翁文會疊前韻

答張少宰甬川疊前韻予往歲奉使湖南與少  
宰會衡岳下登覽彌旬

和東坡大江東去詞三首

憶舊遊呈陸儼山學士

儼山學士示病中詞一闕乃有辟穀尋山之語  
予廣其意而慰答之

少宗伯孫先生和東坡詞見贈依韻奉酬

鈴山堂集卷第十七

詩 南宮稿

升菴楊慎評點

元日賜栢葉詩

嘉靖壬寅正月一日欽蒙 皇上賜召勳輔同嵩  
五臣于無逸殿饗以醴宴 諭曰以茲元日召卿  
等至少待亥刻歸庶吾君臣相慶嘉日焉已而出  
金筒簪栢葉一枝賜各戴以歸臣嵩謹拜稽述古  
詩四言一章識感遇云

王正啓祚青陽肇曆秘苑天開帝宮晨入 帝有綸



金上清集 卷之四  
言曰慶嘉日爰奉明恩恭承寵錫其錫維何惟栢一枝凌霜挺翠裏露含滋采自玄圃捧出瑤墀金筒簪戴煒燁其光君子有酒稱彼瑤觴堅貞比節森鬱呈芳以勗臣德以介元祥君子萬年壽考不忘

紀賜十二絕

賜銀牌子刻平安二字

銀榜頒恩重椒觴取醉歡新年占百福天語賜平安  
賜銀像生人馬并太平牌子四

白金作像生奇巧出新製中有四雲牌僅觀太平字  
賜金壽仙二

金銀兩仙人黃金不壞身  
慈信但了了那記壽鄉春  
賜銀孩兒七

賜出銀孩美取義在宜男  
感恩先祝聖敬效華封三  
賜新製貂鼠煖耳

貂帽頻霑賜今番新製奇  
傳宣宵入直戴月出宮墀  
賜絨錦護膝一雙

鮮華新製錦軟煖厚鋪綿  
長跪謝宸渥造膝玉堦前  
賜銀魚百尾

寶坻產嘉魚纖纖白似銀  
貢來供玉食何意得嘗珍  
賜長春酒每夕一尊

鈴山堂集

卷七詩

二

直舍燈明裏還摘應制文宵寒霜漏水賴此助微燠  
賜酒蠲一甕

入手霜螯美言從海市來甘香分御甕約客共春盃  
賜橄欖

青果來閩嶠分珍出御函誰知辛苦後滋味有餘甘  
賜御前色絲畫人物元宵卓燈一對

繪綵雙燈爛分輝自御筵玉堂留盛事何異賜金蓮  
賜青油雨笠

帝宮催夕召蕭瑟雨聲來詔傳青笠戴賜酒殿中回  
被命靈濟岱岳二宮廟上香夜行作

列騎驂洋壺秉炬粲繁星未陌何迢迢邈迢記所經  
初辭苑西直忽逗城東垞祇果承宸命宵駕不遑  
寧清都闕真境瓊闕入紫旻雲徑深窈窕樓觀鬱  
亭岱岳崇祠祀容衛儼百靈松檜羅茂蔭鬼物多  
猊形伐鼓聞層閣焚香趨廣庭夜久新雨歇河漢  
轉晶熒遲漏漸已徹嚴城猶未扃於焉紀于役聊以奉  
馨

內直次韻

苑外層槐晝景移坐來直舍已多時天壇高處圍黃  
幄惟見爐煙上玉墀

閣道傳呼彩仗移四更金海月生時歸來無逸衣裳  
冷還傍星辰宿殿墀無逸殿名

扈從夜歸經太液池

波上千燈迴御舫柳邊雙仗引官駟清蹕一聲來欲  
近驚起鳬鷖過遠洲

承恩長得禁中遊騎遍天閑十二驂行過荻叢風漸  
漸不勝秋興滿滄洲

曉出長安見西山

六街盡日塵濛濛遠翠當前喜一逢知是昨宵新雨  
過碧雲淨看芙蓉

山微抹綠於髮巖嶂層巒似可攀忽爾見山還自  
樂何況仙人住在山

西苑匾豆花

豈花紅白滿秋天開傍金扉色倍妍內苑頻來還羨  
汝因看籬落似村田

匾豆花開煙露繁却從禁苑憶鄉園那能歸種南山  
舍步達深叢未敢言

內直對雪有慶雪銀幣之賜

撲窓聞暮雪直宿殿廬深瑞集驚堆玉恩承喜賜金  
三登占大有一德奉惟欽調燮曾無補惟勤夙夜心

初誕孫賀賓宴集用往歲生男韻二首

垂老見孫聊自慰更勞上客爲予歡極知所得多叨  
幸况復非才屢進官乾坤錫佑嘉祥集門戶關心始  
願完寶軸牙籤過萬卷賜書他日要渠看

在公夙夜真忘寐剛爲茲辰罄一歡天道總容仁有  
後世情徒羨貴爲官堂開綠野歸難遂桑植成都志  
易完獨有寸丹期報主向來心事任人看

誕第二孫再用韻

又傳熊夢符新兆更藉犀錢續舊歡身事總知堪付  
子老年因歎未休官棠留錦水祥源遠

先高祖爲  
四川方伯

熟丹丘福果完爲謝少陵歌抱送新詩都下盡傳看  
二  
甘露長春皆上賜朝回開閣更留歡欲知湯餅筵  
中客盡是蓬萊闕下官鳳沼敢云雛再浴藍田因喜  
壁雙完一年兩度弧懸日佳氣充閭次第看

子昂馬圖題贈大梁李中丞

卷中此馬畫者誰毛鬣欲動骨法奇人素能收上閑  
駿意態便欲隨風馳天閑十二紛相競想是郊晴初  
出牧大宛雄姿宿應房泥注異種龍爲族金羈玉勒  
不須誇且看連錢五色花歛見麒麟出東櫪還疑駉



騁涉流沙沙邊青草茸茸起上有垂楊覆河水圍人  
騎放綠陰中參差駉牝成雲綺我觀此馬皆能過都  
歷塊捷有神安得蕃息日適河之濱榆關已撤烽煙  
警染死因同首宿春吳興妙手誰堪伍遺墨流傳自  
今古人間驚輩徒紛紛哲匠旁求心獨苦擬將此幅  
比瓊瑤寄贈佳人雲路迢天關昔曾窺立仗霜臺今  
復憶乘輅親持黃紙臨中土白日旌旗照開府臯葵  
事業待經邦韓范威名先震虜氛祲潛消塞北場河  
山坐鎮亦封疆戍卒歸來放戰馬高陽今作華山陽  
吁嗟平宵肝憂勤猶拊髀殊勲早奏明光裏願徵頌

牧入禁中坐令天下之馬休逸皆如此

贈仇總兵鎮守甘肅

出鎮河西當妙選眼中韜畧似君稀  
總戎正佩新金印平虜猶傳舊鐵衣  
鐃鼓暗驚關月落旌旗遙拂隴雲飛  
欲知皇化今無外首宿春濃戰馬肥

贈別張甬川先生之南都

四十年來同宦侶幾人還聽鳳樓鐘  
叨依玉樹形難並欲賦江雲意轉重  
南國持衡勞水鏡中台補袞待山龍  
百齡壽母躬扶持此樂人間豈易逢

贈華學士視象南院

北門學士金蓮貴南國佳人玉樹清  
藝苑文章懸藻鑑僊都樓閣住蓬瀛  
鈎簾鍾阜窓中近對酒澄江鳥外明  
問訊玉亭修竹裏向來虛薄愧題名  
院有玉亭題名予昔視篆于此

贈僉憲白汝衡

白雪詞高振國風  
干將豪氣擅文雄  
當時門下慚知  
遂今日吳中真識  
蒙鴻雪謾憐孤跡  
遠驪尊休惜百  
分空岱宗渤海東  
巡地滿路霜威盡  
避駟

少傅相公二郎偕第進士烹春宴城東  
王氏園

春園開宴滿歌鍾盛事嘉辰豈易逢  
名向御毫題重恩從宮醞賜來濃  
浮煙故傍池邊柳鳴雨先傳閣  
外松更對翠峰移錦席幸於休沐得從容

帝京春望倍春光況際恩華合盡觴  
扈聖久稱黃閣老登科新愛綠衣郎  
近天韋杜風雲會聯榜郊祁棣萼芳  
自是丹山雙鳳羽碧霄同日覩翱翔

袁守范君擢憲副九江贈以是詩

歌襦棠郡留遺愛建節霜臺拜寵榮  
此去威名廬岳重向來風節秀江清  
春城祖席維征騎曉驛樓船動水程  
別後相思何處所煙消滄浦暮潮平

侍御楊明夫歸宜春因憶郡中園廬賦贈此句  
宜春臺望倍春輝羨爾春還願不違奉使獨乘桓典  
馬過鄉先著老萊衣鶯啼別嶠歲修竹路隱重江出  
翠微問訊草堂松菊在待予端乞 聖恩歸

侍御唐子薦謫判滄洲作此慰之

君爲懷遠吏我美懷遠政剖判若神明百姓稱衡鏡  
并稅均以完比屋無喧競刻石紀去思至今留頌詠  
一爲柱下史持節按三秦澄清歌攬轡彈擊見埋輪  
世途多險難大行在平陸屈子畏譏讒賈生遭放逐  
朝遊金門署暮回滄洲宿君今滄洲去不用歎飄蓬

莊生齊寵辱老氏一窮通翻飛自有日加飯保珍饈

贈馮侍御督學南畿

學憲名高衆所宗更勞旌節過江東神謨敬覩諸曹制文體全祛六代風臺裏奏彈封白簡江間吟眺對青楓慈萱日有平安報楚水盈盈入望中

贈白因夫

督府遷官好南還慰爾心岸花牽別思池草發新吟帆轉毘陵近江通建業深公餘饒酒賦隨處得登臨贈子器之任建安舊任政和而有聲也

武夷峰翠靄氛氲九曲佳遊又屬君父老總傳河縣

政溪山應續考亭文仙鳬自識雲邊路逸驥寧隨櫪  
下群遺愛好栽棠樹遍相期騰踏上青雲

贈易栗夫提學

含香頻直省中廬三禮周旋克相予辭闕紫泥承勅  
諭行臺朱墨校文書尋詩却對花溪月叱馭還驅棧  
道車漢室文翁風教在爲看遺俗近何如

寄陳顯仁僉憲同年

當年同日觀秋榜往事無人可共論惆悵西昌八校  
桂如今惟有一枝存

高氏義塾詩爲致政司寇南屏作

尚書歸卧南山日義塾開堂傑構新家有詩書遺世  
澤人於耕鑿適天真雲風洞壑能成趣桃李門庭賸  
得春何止儀形在廊廟德風還見淑鄉隣

送許仲貽之南京奉常

當年曾賦送君詩傾蓋真爲國士知芳桂早魁千佛  
籍翔鸞今接九霄儀園林門帶金陵市俎豆山留玉  
殿祠想見晝遊多樂事清標誰不羨瓊枝

君昔計偕  
上春官予

贈以  
詩

送胡少叅之蜀

罷起郎官草榮分岳伯符儉知魚飯美清伴鶴琴孤



古伯題堪續甘棠惠自敷江間雲鳥陣一訪武侯圖  
送王克齋都憲總督漕運自舉進士至今予三

贈詩矣

釋褐今看入座時都門重續送行詩歷敷歲久官何  
忝經濟才優衆共知節鉞兩淮開督府輓漕千里集  
舟師暫勞國計輸籌策星履重來上玉墀

以玉帶付東林寺僧并紀以詩予昔讀書此寺  
古寺東林記昔遊芙蓉爲徑竹當樓同時學侶誰還  
在屈指如今五十秋

擔書徒步問程迷夜叩林僧借榻棲焚膏尚自驚殘

夢刻竹何因覓舊題

千年香火梵王宮人去人來自不窮  
鴻雪行蹤那可問特留玉帶鎮山中

送憲副教君貴之兵備蘇州便道省覲

渝水蒙山墟上居彩衣計日拜庭除  
寒星擁傳催旄節朔雪趨程奉簡書  
城隱三吳開府地戰收千艦用兵餘  
海邦坐鎮無戎檄聖代鯨波已晏如

送熊元直翰檢奉使還南昌

燕臺冰雪歲云除梅柳春堤引駟車  
奉使暫持天上節儲才曾讀禁中書  
洪厓山對滕王閣綠水橋連孺

子居共道世恩承雨露早知文舉重璠璣

新治長安街西屋

長安第宅頻更主此地流傳亦到予  
巷僻能來長者轍門高曾識相臣居  
還依綠樹留賓榻滿插牙籤貯賜書  
愧荷聖恩歸未得暮年猶自玷朝裾

謝公木齋費公

鷺湖毛公殯  
皆嘗居此

內直守歲作

甲辰

除夕留西內君恩賜饌來既分辭臘麵亦進  
宜年盃列炬官堦映傳籌禁漏催爐殘知夜永  
鍾動識春回

上旨曰賜

鳳翔

元旦紀事 己巳

籠燈拂騎趨南苑魚鑰金門次第開歲歲元正蒙遣

命永明殿裏上香來殿祀義農堯舜禹湯文武周公孔子

栢林椒徑遞經過院院焚香燭焰多行到鳳樓天未

曉千官簪笏候鳴珂

冬夜宴別翰林邢伯羽熊元直給諫何思問

冊使諸藩給諫何時賓則出勘宣大功次

此夕漢京懽聚首德星還共使星明玉堂青瑣歸英

望龍節仙輶賦遠行絕塞曉煙收戰馬上林春木待

遷鶯馳驅總入皇華詠願采民風慰聖情

贈凌明府之宜春

雲中仙舄幾時回  
關下離尊且共開  
賦稅及時宜報政  
江山多勝可登臺  
栖遲愧我懷鄉念  
撫字勞君作吏才  
已築野堂開將徑  
此身何日賦歸來

予近治第宜春

詩餘

宮保王公浚川憶留都舊遊製木蘭花一闕見贈輒次韻答之

記當年携手陪夜醉  
愛春遊看鷺渚波晴  
鳳臺花暗  
覽勝尋幽屢在佳人投贈青玉案  
瓊玖愧難酬  
郢客  
高白雪已歛堪息吟謳  
塵勞奔抗幾時休  
重回

頭歎往事成陳風流雲散煙浪悠悠不知今夕何夕  
重來此燕月對清秋謾憶丹山碧水却憐高蓋華輶  
月夕期浚翁文會疊前韻

咲萍蹤南北賴陶謝與同遊正鳳閣紉書烏臺執簡  
地峻人幽却喜自公退食多暇日心賞若爲酬但得  
高朋嘉話底須趙瑟秦謳眼中世事醉中休向城  
頭見宿雨清塵明蟾出海良夜悠悠已辨金魚玉珮  
沾美酒高咏薊城秋聊共西堂秉燭且須南陌停輶  
答張少宰甬川疊前韻予往歲奉使湘南與少

宰會衡嶽下登覽彌旬

念楚天衡嶽弭使節奉山遊正天柱開雲朱陵飛瀑  
洞古峰幽元是金蘭契誼重會合紆綈緜相酬人道  
玉堂仙侶詩成四野傳謳別來夢想未能休却轉  
頭看世事如棋年華似水鴻燕悠悠何意仍携末路  
咲老圃黃菊耐深秋共向彤庭結綬還來紫陌聯輶  
和東坡大江東去詞三首

憶舊遊呈陸儼山學士

記得當年携客棹曾覽吳淞風物黃浦磯邊芳草逕  
因叩朱門素壁宛似遊仙真同憶戴夜泛山陰雪擁  
鵝黃句不讓一時才傑祇今遙指江雪重吟海嶺

高興依然發四十年來同宦侶不覺蹉跎星滅槐省  
垂魚鳳池鳴玉相對俱華髮君恩報了五湖重訪煙  
月

儼山學士示病中詞三闕乃有辟穀尋山之語  
予廣其意而慰答之

玉署仙翁綠底事身病偶須藥物杜老吟詩因太瘦  
却憶尋山面壁世事浮雲利名蝸角去住憐鴻雪荆  
州爭奪空嘆昔時豪傑只須滿引金尊高彈錦瑟  
四座燕歌發秉燭觀遊聊此夕莫問人間興滅松栢  
凌寒桑榆收晚勲業看黃髮木天闕省正要平分風



月

少宗伯孫先生和東坡詞見贈依韻奉酬

蚤歲相逢知風骨自是玉堂人物二十年來官未調  
興在丹崖青壁雲海爲家柴門擁褐高卧素安雪青  
宮華省一時登用才傑好似鵬鶚乘風驂騶騁步  
得路爭先發共喜虞廷逢聖治關塞虜塵新滅幸接  
仙寮欣披藻翰森爽清毛髮寅供三禮光近九天月

月  
陽日三填  
詞皆合作

鈴山堂集卷第十七

鈴山堂集卷第十八目錄

頌

大禮告成頌

聖壽無疆頌

萬壽宮頌

零殿紀成頌

靈雪頌

禱雨靈應頌

禾麥重祥頌

白鵲頌

全山堂集卷第十八

頌

大禮告成頌有序

蓋主上執珪璧于南郊聿懷多福者舊矣是歲戊戌則恭拜玉冊尊上泰號厥典鴻鴻曠乎無前先是上萬幾之暇凝神穆清默乎深思親灑宸翰咨于二三大臣上意若曰我國家丕受大命太祖創業成祖繼志垂七聖以至于今海宇宴清協氣洪壑萬寶崇成者上穹之保艾也夫人君嗣天稱臣稱子秦漢以降世主惟務已崇侈而皇皇上帝大號

弗薦匪尊匪親厥義謂何旣又曰肆予冲人不纘鴻  
業獲承燕翼者 二祖之付畀也 皇考之啓佑也  
而神功聖德微稱未協厥義謂何吾欲以季秋之月  
辛巳尊上 成祖 睿考之稱以仲冬之朔辛未尊  
上 皇天上帝 皇祖太祖之稱二三大臣頓首仰  
讀稱善以及在廷之臣悉若悉欽 皇上廼勅禮官  
具儀來聞復抒睿思親製冊表厥義弘遠厥文煥敷  
廼前期甲子以尊上 天稱預告群神于南郊之前  
丁卯 勅召諸臣曰太師勛爲知國丘拜冊總禮使  
曰少傳言爲同知冊監禮使曰公希忠侯元爲捧冊

是受使三書書讀未道恭輿曰太子太孫  
爲上香詣燎使曰公浴伯鐔鐔爲北郊大社稷  
帝社稷遣告使曰太宗伯嵩爲知太廟上冊監  
禮使暨捧八帝王官俱遴簡以充發輿之夕凡事  
于郊者人授簡一御筆署曰敬之群臣震懾奔走  
率職庚午始晦是夜既丙至于南郊皇帝御大次  
端默疑几若覲若思繁儀未舉精意已塞嚴鼓載作  
千燎具揚皇帝被袞執玉升于泰壇于時也五曜  
垂映穹宇朗清煙篆裊芬燈燭粲輝髣髴天神陟降  
在上禮成皇帝迴軫旋宮是日既午再事于廟

于時也瑞靄商雲和風煦日髣髴祖考悅懌來假  
嗟乎非至德純孝其孰能動天之速如此哉天其以  
是寵綏我皇上永命我國家億萬載無疆之慶哉  
昔孟子曰天不言以行與事示之而已矣先王齊明  
以享帝夫帝之享否雖聖人未由知之惟休徵者其  
享之聲也洪惟我皇上禮行于大享而景雲瑞禮  
行于冊拜而氛縈銷陽景煥茲非以行與事示之之  
驗乎臣承乏禮官與聞大典謹備著其實于以昭景  
貺告成功拜稽首而獻頌曰

皇矣上帝於穆不已實昇聖德立民之紀民紀維何

三本曰始賦理成形萬化攸成莫大匪天莫尊  
惟皇敬事憲法述古謂天子我一氣相承太號未  
欽夙夜靡寧誕告在廷罔不欽若肅肅宵邁執事有  
恪牲幣矢虔冊于皇天天帝歆受億萬斯年皇歸自  
郊載見烈祖奏禮陳儀簋豆有楚皇在清廟穆穆  
雍雍皇后助獻命婦亦從凡此駁儀維聖之謨秉心  
淵塞匪觀是圖膺思先天鴻猷復古基命夙夜惟敬  
作所萬邦作孚受天之祜禮臣司章敢頌純嘏

聖壽無疆頌有序

臣聞功高不宰若其積斯功德人無疆者其徵必壽

故天皇萬八千歲帝堯百有十年皆登不老之鄉並  
在長生之域矣載觀往牒詳攷遐年則知代有明王  
必昭於萬世時逢景運每見於靈符是故軒轅開統  
霓之祥少昊紀之迹唐堯著赤龍之感商王本  
玄鳥之命詩無羣山其事一也洪惟我皇上二極  
凝真千齡登祚元始之上德躬自然之大道化協  
無爲之妙心涵有衆之初乃仲秋十日寔維誕聖之  
期時也序移玉律運撫瑤圖垂衣裳而御紫微開閭  
闔而臨黃道虹氣薄霄三靈之欣可接嵩聲動地萬  
國之慶皆同藏山秘澤之珍五穗連枝之異並至



其難呈不爽是豈非昌時之嘉應祺壽之玄符也哉  
若夫臣子之義對寵靈揚休命祝華封於堯年歌天  
保於周代斯固就日之微忱祈天之太願也臣蒿謹  
拜首稽首而獻頌焉其詞曰

皇明八葉景命維新篤生我后乃聖乃神大寶初  
升靈符載啓仰正天軸遐清地紀冲襟內蘊神化旁  
宣包羅象外希夷帝先赫赫天都洋洋神宇享報有  
嚴精煙畢舉祈穀重農祀雪閔雨以育群黎以安萬  
寓禮豐珪幣樂盛篴簧虔情感福休氣致祥秀岐挺  
異嘉穎擢芳年登大有化極明昌五令乘秋千齡毓

聖紫電晨輝瑤星夜映雲聚璿華河澄氷鏡天地交  
歡華夷協慶惠覃窮髮燕及左衽職方納貢王會輸  
琛郊馴奇獸死集祥禽露湛堯英風調舜琴政台清  
寧域躋仁壽鴻業彌光燕貽孔厚岡陵匹永松栢儼  
茂大德難名古今罔紹慶流有截道入無垠祚軌集  
氏齡踰燧人佑命其申蕃釐孔錫受天百祿以莫不  
益我 皇萬壽與天無極

萬壽宮頌

有序

維是宮乃我 成祖文皇帝基命肇興之地舊名曰  
仁壽 皇上臨御于茲既閱數載荷天之休膺受

祔廟罔不迪于吉於是嘉進其名曰萬壽宮宮之饒  
爲五福殿又次爲百禄宮並以昭申錫之帝命表弘  
遺之祖烈也爰卜剛辰奉揭新額煥赫穹窿拭目政  
觀臣蒿仰而歎曰自昔君天下者必起自厥先興業  
造功震耀區宇是以本深而葉茂德厚而流光子子  
孫孫承之無極洪惟我 成祖文皇帝建都燕冀適  
啓丕基征服綏來綦隆天聲以致際天不冒亘地砥  
屬稽其肇跡之地實惟茲宮焉九葉龍興恭遇我  
皇上以上聖纂鴻業乾健而正離繼而明即祚以來  
繁臺殷館弗之有御獨念是宮爲 皇祖肇基福域

乃父適於居而三靈協佑百神效職日星軌道光明  
清潤風雨若時歲乃以稷豈非天心篤厚眷顧有在  
邪臣考詩書所稱曰萬壽無疆曰歛時五福曰受天  
百祿蓋人主所以承天而臨御其臣民三者備矣斯  
可謂父安長治我皇上取義定名蓋欲敬保天監  
而期綏安於祖宗所受于天之民也豈專已享而  
已哉自今而後聖躬恬願保合太和介軒轅之昌箚  
引虞舜之修齡諸福之物可致之詳引之而愈盛則  
天下臣民何其幸歟古詩頌者所以美盛德告休徵  
也臣是以不勝惓惓謹拜手稽首作爲頌詩以獻

應其辭曰

赫赫皇明膺運握符於烈 太祖金陵闢都 成祖  
繼天燮伐大定駐蹕全燕奠鼎凝命周宅鎬京殷居  
亳邑履重馭輕四方之極有宮穹穹禁苑之西名曰  
仁壽高朗軒夷寔惟斯宮肇基帝跡創始鴻圖貽謀  
燕翼爰二百年我 聖龍翔受命中興于 二聖有  
光以聖繼聖克復其始迺禋斯宮迺慰迺止金梁駕  
漢玉棟干虹王氣榮光鬱鬱葱蔥 皇曰我 祖明  
德斯肇予實嗣之曷循曷紹累厚增高重基疊構特  
易隆名嘉進萬壽壽考維祺自天之祐承以五福範

衍箕疇康寧好德申命用休百禄承次坤儀用彰安

貞之吉應地無疆南闕端門麗于陽德南門法天行

健四隅咸宅耀曦

左門

秩秩寅賓出日亦有輝朗右門

素月澄璧陰陽之精左右互弼皇居皇處匪曰

豫佚景綜萬幾咸釐庶蹟志加窮閭念軫民食亭翼

幽風殿峙無逸南闕穀壇以祀于稷北隣桑壇后歲

親蠶德如關雎教形葛覃允矣風化匹于二南維葺

農桑王業之自皇宅于茲肇修苑事分條建規禘

弊興滯皇心翼翼齊明莊栗昭事上帝靈威可質

賜福降祺百神咸秩于列祖享祀一堂衣

然玳瑁瑤瑤天眷 聖皇而安而室俾爾熾昌俾爾  
多益長發其祥螽斯蟄蟄天眷 聖皇壽萬斯年綏  
以繁祉受祿于天天耀景星地溢醴泉玄龜薦瑞朱  
草呈鮮四方賀焉四夷服焉我 皇御曆曷有極焉  
微臣稽首敢獻斯篇

雩殿紀成頌

嘉靖癸卯夏四月丙戌我 皇上新作雩殿成昭靈  
貺也先是壬寅之夏時雨偶愆旱熯爲沴 皇上爲  
民軫念即苑內之太素殿建壇致禱于神而甘澤隨  
霈歲以有秋於是仰帝眷之洪垂嘉神君之效職思

以崇厥報者廼發淵衷諏剛日即舊基構靈宇以尊  
事于神焉其地匯以金海帶以瓊山連漪澄浸鏡涵  
一碧之天峯巒翠樺鰲戴三山之軸宛然蓬島瀛洲  
閭風玄圃之上允爲仙聖之所宅神明之攸萃也既  
成規模閭偉地位肅嚴前爲雩禱之壇其後爲太素  
殿以奉 祖宗列聖神御齋館列峙榜揭輝映臨海  
爲亭曰龍澤曰龍湫東爲弘濟祠經始昨秋至是而  
告成焉臣謹按先王制禮法施于民禦大菑捍大患  
者則祀之故山林川澤能出雲爲風雨見怪物者靡  
不載在祀典周禮孟夏大雩爲民祈祀山川百源



惟皇上竭一誠以感通代萬方而祈福斯聖之建  
昭昭神靈必永依于斯動彰顯應時雨時暘爲祥爲  
吉以遂我皇上之所祈矣臣式瞻鴻構恭覩駿儀  
敬作頌辭用紀成績其辭曰

於赫上帝制運太清爲民選辟以宰群生於穆我  
皇統乾作聖圖治保邦夙夜維競粵在昨歲亢燠荐  
臻皇曰艱哉曷拯我民爰事于神旣禱旣禋百神  
效靈龍澤隨需歲登豐穰民罔菑害皇曰休哉明  
明帝賚曷其欽承以報神惠廼命司空廼相厥土鳩  
材庀工作此殿宇神贊其謀地呈其吉始自去秋功

成不日虹梁架漢霞棟干霄璿宮寶殿矗屹岩堯三  
成絢錦九陛駢玉鳳彩龍文牀精炫目工徒告訖皇  
情豫懽陳儀備典奉以攸安妥侑有所神則來格九  
光璀璨萬靈翕赫風馭雷車洋洋在列鼇鼉龜魚百  
恠蜿蜒恍惚變幻瀆薄周旋滴滴寶淵神龍之宅飛  
騰大空妙化頃刻時作甘霖以救旱竭我 皇乾乾  
敬恭明神一念所祈惟國與民惟聖感神惟神輔德  
歆乃精誠報以休澤休澤維何介福寔多出入訶護  
保合太和雲行雨施應禱而致醜胡寇賊潛驅默制  
弘殖天民永綏皇祚鎮我 大明億千萬祚

靈雪頌有序

皇上寅奉天命憂閔元元先是庚子之冬愆暘告尤  
時雪不降 皇帝曰嘻茲惟歲稔茲惟民艱予職元  
后厥罪在予乃竭誠禱既歷兩旬雪猶愆期二氣  
交而弗融群情沮而無懌 皇帝齋心靡懈益虔露  
禱摠誠爲民請命至德感召肸蠁有孚乃以改歲正  
月朔旦玄雲四布瑞雪斯降初霏微以灑空遂濛密  
而布宇于時五漏漸稀四門甫闢萬邦來同百寮咸  
集寒色凝曙輝積光搖白玉之輝色映黃金之闕雍  
雍者滋豫肅肅者增慄咸獸舞雀躍欣然而相告

曰美哉祥乎斯聖王之瑞乎夫元日者履端之始三  
白者豐登之兆憂民者帝王之先務敬天者君人之  
大德也仰惟 皇上道超邃古念軫烝黎慶逮遐方  
猶通無朕天威濟而旋享蒼生罪而還福視湯罪已  
而澤降景仁言而災退寧不有過之哉臣蒿職在秩  
宗預聞祥祲謹按西京雜記有曰太平之世雪不封  
條凌弭毒害而已茲者豐隆按候滕六兆祥辰協三  
元瑞呈盈尺傳曰耆欲將至有開必先然則茲雪之  
應誠聖德昭著高穹降格國家億萬載太平之休生  
靈有永之福其端在此也昔南宋孝武時元日飛雪

集衣時以爲瑞賦詩稱賀矧今 聖主爲民憂勤所  
感非前事之比臣用是不揣蕪陋謹援据古義拜手  
稽首而獻頌曰

於惟 聖皇覆育我民爲民祈食用禱于神粵歲之  
冬雪不時降恒暘作沴民憂失藝亦懼疵癘 帝曰  
艱哉哀我農夫變不云恤時予之辜惟 皇默籲群  
祀攸秩融假靡寧將事有惕惟精乃通維一乃格曷  
其應之月正元日日元日惟戊亥靈斯集藹藹浮浮灑  
灑奕奕庭列瑤堦連璐重壁既濡旣渥具曰沾足宜  
我來牟寔含茂育嘉谷茂止百室盈止乃京乃坻自

今伊始拂癘蕩瘟納于太和轉沴爲祥易歎而歌赫  
赫天命我明受之穆穆聖君自天佑之天佑伊  
何允文允武懋明俊德紹隆二祖惟皇建極永  
綏兆庶六府孔修三辰順序燠寒罔愆時暘時雨維  
天眷德駿發靈祥佑此萬方豐年穰穰豐年穰穰頌  
聲洋洋皇帝德功萬世不忘

禱雨靈應頌

有序

洪惟我皇上德備聖神道參天地恪存一敬對越  
三靈乃嘉靖癸卯夏四月不雨聖意廼曰禮有太  
雪茲維時矣爰按儀禱澤祈穀實以裕生民聖躬勤

夙夜齋惕禱之三日爲五月丙午入夕靈雨霽  
戊申雨復降綿延竟日不疾不徐旣優旣渥朝野臣  
民鼓舞懽頌是誠大眷聖德豐年之祥兆太平之嘉  
應也於是臣蒿恭拜稽首颺言而作頌曰

於穆上帝佑我 皇明基承熙洽治底隆平聖治旣  
至聖心愈惕謂國依民謂民依食雨暘時若寔賴神  
功昭貺妥靈肇作新官按禮陳儀曰大雩祀古有舉  
之曷其敢廢爰諏吉日保穀祈豐披誠歷愀以告皇  
穹皇穹來歆萬靈咸集海若承符川祗效職墮隆鼓  
烝屏翳噓雲九龍澍澤時雨惠霽雨之未臻陽亢陰

伏雨之既臻優渥沾足始于壇時旋遶郊圻瀰漫霽  
霽有滄漭漭雨我公田徧于率土百穀蓁蓁庶草繁  
庶我皇聖德上格于天隨禱而應景福斯駢維此  
樂歲宜稼于田工歌于廛農歌于野師歌塞垣士飽  
騰馬戎虜潛驅永奠中夏小臣作頌以告萬方祝我  
聖皇萬壽無疆

禾麥重祥頌

有序

夫天心與人事流通君德與休徵協應茲理著明不  
可誣已然王政多端而食貨之資爲急祥類非一而  
麥禾之瑞爲先洪惟我皇上欽若昊天勤恤民隱



於凡陰陽寒暑雨雪之候稍有愆越輒齋心竭誠禱  
于上帝是以三靈協應六氣調平雨暘時若年穀豐  
登乃是歲之夏嘉禾產于內苑同本雙穗者多至數  
十又麥禾一本二穗或四五穗者並產于泰岳之陽  
守臣以進聖心感悅臣謹按春秋于他穀不書而麥  
禾不成則特書之是故民食者聖人之所重也瑞應  
圖曰嘉禾五穀之長王者德茂則生故瑞應之來惟  
其所召粵自夏初皇上祇雪禱雨爲民已而甘澤  
大降中外固已預卜有秋之望矣乃今禾麥並瑞天  
眷不違地寶斯獻皇上茂德所致豈不彰彰明甚

金山堂集 卷之八  
矣乎昔我 太祖高皇帝時定鼎則寶雞之麥聯穗  
而生治成則龍門之禾合仍而茂然亦異地殊時至  
我 皇上盛美重祥則繼 聖祖之盛而兼隆者矣  
况夫靈鍾內苑見聖化重穡之始焉秀稟東岱見生  
德發育之盛焉州名泰安見太平極治之符焉薦之  
昊極獻之清廟于以彰天貺慰祖靈誠越千古而僅  
見掩百王而獨盛也臣敬述蕪頌庸備康衢之謠庶  
效詞臣之職云耳頌曰

有禾油油于帝之囑同本異莖既碩既修龍枝濯露  
瓊粒凝秋有麥穗穗于岱之阡兩岐旁秀五穗連

亦有嘉穀珠寶金駢融氛液瑞有燁其鮮  
以告司牧司牧曰嘻是謂瑞祉諏日函國以獻天子  
惟此穀麥民食攸資二瑞祥臻並產一時自古未有  
皇則獲之於維玄穆顯相我皇詔降嘉種畀此  
下方於皇克敬寅保明命昭事翼翼夙夜維競山  
澤受方雨暘戒令物異匪稱年豐爲寶皇有茂德  
格于穹昊薦之列后疑疑煌煌有秩斯祐申錫  
無疆昭受天貺以告萬邦

瑞應白鵲頌并序

嘉靖十年七月有白鵲二產于河南之懷慶鄭王詠

日馳使獻之闕下 皇帝受觀疑穆謙冲曰於惟嘉  
哉茲惟上天降祥以佑啓我國家茲惟 皇祖 皇  
考茂德垂陰以肆于眇躬其曷敢承乃詆日獻之  
廟獻之 兩宮又明日詔群臣百寮觀于朝以同其  
休群臣百寮忭踴喜躍舉手加額以謂我 皇上神  
德聖功格于昊穹昭茲瑞應猗歟休哉於是禮部  
尚書不揣無陋謹作頌曰

於赫 皇明我 后中興景命既集大業是承惟  
后濟哲恭已萬國聖敬日濟王猷允塞丕顯文謨丕  
承武烈法天之道順帝之則惟十之禩肇蕭郊禋

坤交泰日月貞明九功惟叙百禮告成天監在下明德惟馨爰有二鳥來獻其禎自彼宗藩育于帝庭其鳥伊何曰維靈鵠皓質白章其儀濯濯 皇帝曰嘻是天之祐昔在 文祖天命二鳥降于京土肆乃獲予覲載翔載集載鳴載舞雉飛越裳鸞振西靡翩彼二鵠實備斯容覽德而至希代乃逢乃命奉常醴齊粢盛薦于清廟肅肅其敬乃獻 慈宮燕喜欣欣以介眉壽第祿來成乃卿士百辟歡忭稽首對揚王休天子萬壽 天子萬壽坐于明堂去譏遠惡顯忠遂良天耀前星煜煜煌煌 明受命溥將自天申之降

福無疆微臣作頌以呈萬方

鈴山堂集卷第十八